

SAVEZ FOTO I KINO AMATERA JUGOSLAVIJE
REPUBLIČKI ODBOR
SAVEZA FOTO I KINO AMATERA - BOSNE I HERCEGOVINE

Broj 70.

Tel. br. 56-22 — Obala V. Stepe br. 1

Sarajevo, 5. marta 1957 god.

K I N O K L U B

Z a g r e b

Dragi drugovi,

Poznato Vam je iz razgovora koji smo imali sa Vašim članovima, da će mo 13 i 14 aprila ove godine održati u Sarajevu REVIJU AMATERSKOG FILMA, na kojoj želimo prikazati filmove autora iz drugih republika. Ovo radi toga, što je kod nas kino-amaterstvo tek u početnom stadiju, a smotra amaterskog filma koju bi dali izvjesnom broju građana, pomogla bi našim kino-amaterima da nauče kako treba raditi i šta snimati, dok bi se kod odgovornih drugova u Narodnoj Tehnici naišlo na više razumjevanje.

Dakle, ova revija bi bila samo manifestacionog karaktera uopšte, ma da žalimo što neće učestvovati možda nijedan autor iz Bosne i Hercegovine. Radi toga se obraćamo Vama, sa molbom da nam pomognete sa svojim filmovima i to, kvalitetnijim i sa različitim temama. Uz svaki film bi bilo potrebno da imamo sadržaj istog, kako bi se moglo štampati u katalogima koje će mo izraditi za ovu svrhu.

Sa filmovima će mo pažljivo rukovati da se nebi desile kakve posledice koje bi utjecale na kvalitet i tehničko stanje. Pored toga, mi smo saglasni da sa Vaše strane sa filmovima dođe jedan član kino-amatera, koji bi prisustvovao našoj reviji, a kome će mo platiti putne troškove.

U koliko ste željni da nam izađete u susret, molimo Vas da nam javite sa koliko filmova možemo računati od Vašeg kluba, kao i nazive istih, radi publikacije.

Drugarski Vas pozdravljamo, i unapred hvala !

Sekretar,

/ Vit. Stašević/



Pretnednik,

/ Rajko Petrović/